

Factum.

Pour Nicolas le Marguenat Bourgeois de Troyes intimé.

*Contre Jacques de Roffignac Sieur de Marzac & Villemahen
appellant.*



E fait est: que ledict appellant auquel appartiennent les Fours Bannaux de Soulaines, voulant accroistre ces droicts & les estendre plus loing que n'ont fait tous ces predecesseurs, auroit à ceste fin presenté requeste au Iuge de Soulaines le seiziesme Iuin de l'annee derniere, mil six cens vn, narrative, que à luy appartenoint lesdicts Fours bannaux, ausquels les habitans dudit lieu de Soulaines, finage & parroisse, & taillables, estoient tenus porter cuire leurs pastes, sans qu'il leur fust permis de pouuoir faire cuire leusdictes pastes en leurs fours particuliers sans son congé, à peine de confiscation des pains qui se trouueroient auoir esté cuits ailleurs que ausdits Fours Bannaux. Au moyen dequoy il auroit requis luy estre permis de faire saisir les pains de tous ceux qui sont demeurans en ladicte parroisse & finage qui n'auroient esté cuits ausdits Fours Bannaux. Ce que le Iuge peu aduisé luy auroit accordé, sans luy faire représenter ces tiltres qui ne s'estendent pas si loing comme dict est.

Au moyen de laquelle permission, l'appellant qui d'ailleurs vouloit mal à l'intimé pour vn refus qu'il luy auoit fait de luy prester quelque argent, auroit fait saisir le pain de Iulien Iardin son colon & fermier, au gaignage appelé les Hayes fleuries, assis en la parroisse dudit Soulaines, & neantmoins esloigné dudit bourg de trois grands quarts de lieues. Comme ayant ledict Iardin fait cuire son pain au four dudit gaignage, & non en ces Fours Bannaux. Et pour proceder sur ladicte saisie il auroit fait donner assignation audit Iardin pardeuant le Iuge de Soulaines.

L'intimé aduertty par ledit Iardin du trouble que luy faisoit ledict appellant, auroit au mois d'Aoust oudit an, prins le fait & cause pour iceluy Iardin. Et à ceste fin obtenu lettres de garde gardienne au Bailliage de Chaumont, dans le ressort duquel est assise la Seigneurie de Soulaines, en vertu desquelles il auroit esté maintenu & gardé en possession & liberté de faire cuire ces pastes au four dudit gaignage des Hayes fleuries, comme luy & ces autheurs auoient de tout temps fait. Et pour proceder sur ladicte maintenue, il auroit fait donner assignation audit appellant pardeuant ledit Bailly de Chaumont.

Lequel appellant auroit déclaré au sergent executeur de ladicte commission qu'il estoit appellant de ladicte maintenue, & que neantmoins il acceptoit l'assignation à luy donnée pardeuant ledict Bailly de Chaumont. Laquelle declaration ledict sergent auroit escrite au bas de son exploit, & icelle fait signer par ledit appellant, comme il appert par ledict exploit produit par ledict intimé sous la quote E.



Et de fait ledit appellant auroit comparu pardeuant ledict Bailly de Chaulmont, ou son Lieutenant, ou mesme il auroit esté releué d'un default contre luy obtenu par l'intimé.

En mesme temps que ceste poursuite se faisoit à Chaulmont, l'intimé auroit fait anticiper l'appellant en la Cour de Parlement sur l'appel par luy interiecté de ladicte maintenue. Pour empescher le cours de laquelle anticipation, & tirer les affaires en longueur, ledit appellant prenant qualité de commis du sieur Sardini, auroit fait euoquer la cause au Conseil.

Au preiudice de laquelle euocation iceluy appellant auroit par force & violence, & avec port d'armes, fait desmolir le four qui estoit au gaignage dudit intimé, & ce par ces seruiteurs domestiques, sans aucune forme de iustice prealable, & sans que ledit intimé fust ny ouy, ny appelé.

De laquelle demolition ledit intimé estant aduertý, il en auroit fait informer, & est l'information faicte pour raison de ce produite au procez dans vn sac à part. Auquel procez l'appellant se trouuerra, sous correction, en tout & par tout mal fondé, soit en la forme, soit au fond.

Pour ce qui est de la forme, c'est vne chose toute notoire, que l'action intantee par l'appellant estant petitoire, il ne la deuoit commencer par vne saisie comme il a fait, ains par vne simple assignation laquelle il deuoit faire donner à l'intimé & non à son fermier, n'estant vn fermier partie legitime pour defendre les droicts de son maistre, sans en auoir charge ny pouoir.

D'ailleurs, ayant ledit appellant commencé ceste action dès le mois de Iuin, mil six cens vn, il ne deuoit rien attenter au preiudice d'icelle, ains auoir patience qu'elle fust terminée par Arrest du Conseil, ou il l'auoit deslors fait euoquer. Et ne deuoit faire desmolir le four de l'intimé au preiudice de ladicte Litispendance, *Hoc enim iure vtimur ut quidquid omnino per vim fiat aut in vis publica aut in vis priuata crimen incidat: de iur. autem, & qui mandat l. hoc iure ff. de reg. iuris.*

Aussi n'est ledit appellant bien fondé en l'appel par luy interiecté de ladicte maintenue en possession, faicte en vertu de la Commission du Bailly de Chaulmont, ne luy ayant esté fait aucun grief par le moyen de ladicte maintenue.

Estant ceste façon de proceder ordinaire & selon les formes de la iustice, que ceux qui sont troublez en la possession de leurs droicts & libertez obtiennent Commission des Iuges des lieux en formez de lettres de garde gardienne, pour estre maintenez en possession partie appelée, iusques à ce ce qu'autrement en soit ordonné, *Quod potest fieri sine causa cognitione.* Et n'y a aucun autre moyen de se pourueoir en iustice.

L'appellant auroit subiect de ce plaindre si le Bailly de Chaulmont auoit fait droict, & prononcé sur ladicte maintenue, sans qu'il eust esté ouy, ny appelé: mais on n'est pas en ces termes la.

Pour ce qui est du fond du procez, l'appellant pretend que les detenteurs dudit gaignage sont subiects de porter cuire leurs pastes en son four Bannal de mesme que les habitans de Soulaines.

Moyès
du sieur
de Mar-
zac au

A ceste fin il a produit vn grand nombre de tiltres, dont il a fait vne production nouuelle, lesquels tiltres sont du tout contraires à son intention: d'autant qu'il se recognoist par iceux que ces auteurs n'ont iamais pretendu que tous

les habitans du finage & parroisse de Soulaines & taillables audit lieu, fussent fond, & subiects à leurs Fours Bannaux, ains les seuls habitans de Soulaines *Nemo autem plus iuris ad alium transferre potest quam ipse habeat. Et vicissim: nemo debet esse melioris conditionis quam author sumus à quo ius in ipsum transijt l. nemo l. in ijs qua l. quod ipsis qui contraxerunt ff. de reg. iuris.*

A ce que dessus l'appellant vse de repliche, & dit que le nom d'habitans de Soulaines comprend tous ceux qui sont demeurans en la parroisse dudit lieu, & consequemment les detenteurs dudit gaignage, ores qu'il soit distant du bourg de Soulaines de trois grands quarts de lieue.

Mais il n'allegue aucune raison pour prouuer son dire, le contraire duquel se iustifie tres-clairemēt par la loy 2. ff. de verborum signif. qui porte ces mots *Urbis appellatio muris: roma autem continentibus edificijs finitur.*

Et s'il y auoit quelque doute en ceste interpretation, l'intimé seroit assisté du benefice des loix qui nous recommandent *In re dubia semper benignorem interpretatione sequi, cum id non minus iustum sit quam tutum l. semper in obscuris l. semper in dubijs l. rapienda est occasio l. ea qua in partes ff. de reg. iuris l. adrianus ff. de oblig.*

Ce qui est principalement recommandé lors que ceux que l'on veut assubiectionner à quelque seruitude, sont en possession d'une franchise & liberté contraire. *Cum in pari causa possessoris conditio semper potior habeatur. Et e contrario: causa petitoris sit diuor l. in eo quod l. in pari causa l. cum par ff. de reg. iuris.*

Le 2. moyen dudit appellant est vn arrest qu'il pretend auoir obtenu contre tous les habitans du bourg & parroisse de Soulaines au mois de Iuillet, mil six cens vn, par lequel lesdits habitans sont condamnez de leur consentement à porter cuire leurs pastes ausdits Fours Bannaux: dont il veut inferer que les detenteurs dudit gaignage, comme estant de la parroisse de Soulaines, y sont subiects & comprins audit Arrest, & par cōsequent qu'il a peu faire abbatre le four del'intimé en vertu dudit Arrest, comme il a fait plusieurs autres en ladicte parroisse.

A quoy l'intimé respond que ledit Arrest ne luy peut nuire, ny preiudicier, pour n'auoir esté partie au procez auquel il est interuenu, ny presté consentement pour souffrir la condamnation portee par iceluy, laquelle il n'eust eu garde de consentir pour son esgard, ayant de bons moyens pour se defendre, ce qui manquoit ausdits habitans, contre lesquels le sieur de Marzac a des tiltres qui n'obligent aucunement l'intimé.

Qui est la cause qu'encores que ledit appellant n'eust fait appeller au conseil, sinon les habitans de Soulaines, neantmoins il fist mettre en l'arrest ces mots d'habitans du bourg & parroisse de Soulaines, pensant que cela luy pourroit seruir au procez qu'il auoit ia commencé contre le fermier de l'intimé, pardeuant le iuge de Soulaines, comme il ce recognoist par les dattes des procedures faites audit lieu.

Ce que toutesfois ne luy peut succeder selon son desir, par la maxime vulgaire de droit *res inter alios indicatas aliis non prauidicare. l. saepe constitutum l. de vno quoque ff. de re iudicata.*

Et ne font à propos, les loix alleguees par son Aduocat, pour prouuer que la plus grande partie d'une parroisse peut obliger l'autre. Sçauoir la loy *nominatio*

num Cod. de decurionibus. l. nulli ff. quod cuiusque universitatis & la loy maior ff. ad municipalem. Car elles veulent seulement que quand il est question de nommer vn seindic, ou deputer quelcun pour faire quelque affaire pour vne communauté, il suffit que les deux parts de ceux ausquels ladite nomination appartient, soyent à ce presens.

Mais cest toute autre chose de dire que la plus grande partie des habitants d'une parroisse peult obliger les autres qui sont absens, à vne servitude enuers vn seigneur, car c'est chose qui ne ce peut faire que tous ceux qui y ont interest ne soient presens pour le cōsëntir. *Quid enim omnes tangit ab omnibus debet approbari.*

Ce qui est d'autant plus considerable au fait qui ce pensente, que cest vne chose vtile aux habitans de Soulaines d'aller cuire au four banal de l'appellant. Car par ce moien ils eurent les frais, & la peine de faire chauffer vn four particulier chacun en sa maison, mais en l'esgard de ceux qui occupent ledit gaignage, ce leur seroit vne chose dommageable, d'autant qu'il seroit impossible qu'ils portassent leurs pastes dudit lieu iusques au bourg de Soulaines, qu'elles ne fussent gastees & perdues auant qu'elles fussent à la moitié du chemin, comme il est notoire à vn chacun.

Repro- pretend auoir prouué le contenu en ces faicts. Mais sous correction ladite en-
ches cō- quete n'est aucunement considerable, d'autant que les tesmoins ouys en icel-
tre les le, sont ou gens de neant & pauvres manœuvres, qui ne viuent que de ce qu'ils
tes- gaignent de iour en iour, ausquels pour peu de chose il est aisé de faire dire ce
moins que l'on veut: & les autres ce sont personnes qui hantent ordinairement en sa
ouys en maison, & qu'il employe iournellemēt en ces affaires, aucuns desquels ont mes-
l'equē- mes esté de ces domestiques, qui ne luy ont osé refuser de faire & dire tout ce
ste de qu'il a voulu, de peur qu'il ne leur fist desplaisir, comme il en a bien les moyens
l'appel- estant sa demeure ordinaire au lieu de Soulaines.

Ioinct que les tesmoins ouys en ladite enquete, ce sont les mesmes qui ont esté ouys en la premiere enquete de l'appellant, qui fut faite par le Preuost de Barfuraulbe, laquelle a esté annulee par arrest du conseil. Et partant sont leurs depositions suspectes, comme aiant esté icelles premierement dressees à l'auantage de l'appellant par ledit Preuost de Barfuraulbe, & depuis inserees en la seconde enquete en la mesme forme & teneur qu'elles estoient en la premiere, apres qu'on a eu demandé à chacun desdits tesmoins s'ils y persistoient.

Ioinct qu'il a esté bien aisé à l'appellant de faire faire vne enquete à son aduantage, apres auoir eu communication de celle de l'inthimé, par moyens prohibez & defendus, comme luy mesme a recogneu, par son aduertissement, & encore plus particulierement par ces reproches, contre les tesmoins de l'inthime, cōme il a esté remarque par ledit inthimé aux saluations de ces tesmoins.

Cest artifice de l'appellant ayant esté bien preueu par l'inthimé, il a vſé des remedes qu'il y faillloit apporter, car deslors que ledit appellant fist faire sa seconde enquete, ledit inthimé protesta qu'au cas que ledit appellant fist ouyr ces tesmoins sur autres faicts que ceux dont il auoit fait donner coppie à l'inthime, que leurs tesmoignages fussent reiettez, & sont lescrites protestations inserees au procez verbal de ladite enquete produict par l'appellant.

Par ce que dessus le Conseil voit que l'appellant n'a aucun fondement val-

lable pour soustenir sa demande, & partant qu'il y est non receuable, ayant mesme esgard aux moyes desquels l'inthimé se sert pour se defendre, lesquels sous correction sont indubitables & ne recoiuent aucune responce.

En premier lieu la coustume de Chaulmont, dans le ressort de laquelle la seigneurie de Soulaines est assise, fait entierement pour l'inthimé, d'autant qu'elle veut que tous heritages soyent estimez francs & libres, s'il n'appert du contraire par tiltres authentiques, ce qui default audit appellant. Au contraire tous les tiltres qu'il a produicts en sa nouuelle production, sont à la descharge de l'inthimé & n'obligent comme dit est que les seuls habitans du bourg de Soulaines, duquel l'heritage dont est question est eslongné de trois grands quarts de lieuë.

Moyes
de l'in-
thimé
au fôd.

Et n'est considerable que les nobles du pays ont formé opposition a cest article de ladite coustume. Car c'estoit a eux à poursuiure & faire vider leur opposition, & iusques à ce que cela soit, on ce doit tousiours arrester au texté de ladite coustume. Lesdits opposans n'eussent pas tant tardé à faire vider leur opposition, s'ils eussent pensé en pouuoir auoir bonne issue.

En deuxiesme lieu faiët pour ledit inthimé la coustume generale de la France, qui exempte tous les subiects de porter cuire leurs pastes aux fours banaux des seigneurs, si commodement ils ne le peuuent faire sans que leurs pastes soyent gastees, comme il est particulierement remarqué en la coustume du Mâs art. 24. à quoy est conforme le droict commun qui veut *Impossibilium nullam esse obligationem l. impossibilium ff. de reg. iuris.*

Dauantagela qualité de l'heritage des Hayes Fleuries, que l'inthimé a verifié estre de franc alleu, pour autât qu'il en possède auiourd'huy par les pieces quottees B, & C, en sa production exempte assez ledit heritage de la seruitude dont est question, & donne pleine & entiere liberté à l'inthimé, de difier sur son fond vn four de telle grandeur que bon luy semble, sans que personne l'en puisse empescher.

En quatriesme lieu la iouissance & possession immemorale de l'inthimé & de ces autheurs luy doit seruir d'un bon & iuste tiltre, contre les pretensions de l'appellant, laquelle possession n'a point esté interrompue comme veut dire ledit appellant, encore que ledit heritage aye esté inhabité l'espace de huit ou neuf ans: d'autant qu'il suffist pour continuer ladite possession, que ledit heritage aye tousiours appartenu a quelqu'un qui n'aye point esté troublé en ces droicts, libertez & franchises.

L'inthimé espere auoir suffisamment prouué ladite possession immemorale de luy & de ces autheurs par son enqueste, en laquelle il a faiët ouyr vn grand nombre des plus anciens & apparents du lieu de Soulaines & finages voisins, lesquels pour la plus part ont tenu par admodiation les fours banaux dudit appellant.

Contre lesquels ledit appellant n'a proposé aucun reproche veritable, ains seulement des iniures & calomnies qui sont palpables & toutes euidées comme l'inthimé a plus particulierement remarqué en ces saluations de tesmoins.

L'equité & la raison naturelle empesche aussi que l'heritage dudit appellant soit subiect a ceste seruitude, car si on considere l'origine des fours banaux, ils ont esté introduicts autât, voire plus pour la commodité des subiects que pour

celle des seigneurs.

La commodité qu'en tirent les subiects, cest qu'ils sont exempts de bastir des fours chacun en sa maison, & de faire les frais de les faire chauffer. Pour eui-
tera quoy on à trouué que c'estoit vne moindre incommodité de payer aux
seigneurs vn certain droit, afin qu'il se chargeassent d'auoir des fours banaux
ou tous les subiects qui pouuoient y aller cuire sans deterioration de leurs pa-
stes fussent tenus de les y porter.

Or l'incommodité que les detempteurs dudit gaignage, receuroient de
porter cuire leurs pastes audit four banal seroit plus grande que la commodité.
Consequemment ils en doiuent estre exempts. *Quod enim ob gratiam alicuius conce-
ditur, non est in eius dispendium retorquendum. Et iure natura equum est neminem cum alte-
rius detrimento & iniuria fieri locupletiores l. 206. ff. de regulis iuris.*

Par ces moyens soustient lodit inthimé, que les conclusions qu'il a prin-
ses au procez luy doiuent estre adiugees.

Monsieur Sain Rapporteur.





